

萬 有 文 庫

第二集七百種

王 雲 五 主 編

大 金 國 志

(上)

文字懋昭撰

商務印書館發行

大 金 國 志

(上)

撰昭懋文字

國 學 基 本 叢 書

大 金 國 志

(中)

撰昭懋文字

書 叢 本 基 學 國

大 金 國 志

(下)

文字懋昭撰

國學基本叢書

000

編主五雲王
庫文有萬
種百七集二第

大 金 國 志
三 冊

中華民國二十五年三月初版

撰 者 宇 文 懋 昭

發行人 王 雲 五

上海河南路

印刷所 商 務 印 書 館

上海河南路

發行所 商 務 印 書 館

上海及各埠

(本書校對者 沈抱秋 謝雨東 曹芥塵)

*D六〇八

平

雙

大金國志四十卷。舊題宇文懋昭撰。懋昭金人歸宋。端平元年上此書。書中具言康王出質遁逃。略無忌諱。且稱元爲大朝。兵曰大軍。使曰天使。提要謂經元人增竄。非盡懋昭原本者是也。是書以志爲名。而雜用紀傳編年之體。似於史例不免混淆。然其叙次簡質。九主一百十七年事蹟。首尾略備。其大者如遼宋構兵。蒙古啟釁。議遷燕汴。冊立楚齊。俱釐然著其本末。他若宮闕制度。職官輿服。以至京府州軍。雜色儀制。亦皆詳載無遺。實足與金史相參攷。世臣校紬中祕竊錄副本爰付剞劂爲讀金史者一助焉。南沙席世臣識

金國九主年譜

太祖武元皇帝

元名阿骨打改名遼楊割太師子海濱宋徽宗重和元年

遂稱帝國號大金建元天輔至癸卯天輔六

年

宋徽宗宣和五年遼海濱王保大三年

五月乙丑崩在位六年

太宗文烈皇帝

元名吳乞買改名晟太祖之弟

癸卯改元天會宋宣和五年即位至甲寅天會十二年宋高宗紹興四年冬崩在

位一十二年

熙宗孝成皇帝

元名曷刺馬改名亶太祖嫡孫宗浚之子

甲寅天會十二年冬即位至戊午改元天眷辛酉改元皇統至己巳

皇統九年

宋紹興十九年十二月丁巳爲從弟岐王亮所弑在位一十六年

海陵煬王

元名李烈改名亮太祖孫遼王宗翰之子

己巳改元天德宋紹興十九年即位癸酉改元貞元丙子改元正隆至辛巳正隆

六年

宋紹興三十一年十一月乙未爲諸將弑于揚州瓜洲鎮龜山寺在位一十三年

世宗聖明皇帝

元名莫改名雍太祖孫冀王宗輔之子

辛巳改元大定宋紹興三十一年十月丁未自立于會寧府至己酉大定二

十九年

餘二日宋光宗庚戌紹興元年正月癸巳崩在位二十九年

章宗皇帝

諱瑨世宗之孫太子允恭之子

庚戌改元明昌宋紹興二十年正月甲午即位丙辰改元承安辛酉改元泰和戊辰泰

和八年

宋寧宗嘉定元年十一月丙辰崩在位一十九年

東海郡侯。諱允濟，世宗第七子。己巳改元大安。宋嘉定二年。卽位。壬申改元重慶。癸酉改元至寧。宋嘉定六年。八月甲午爲紇

石烈執中遣內侍李監成弑于其府。在位五年。

宣宗皇帝。諱珣，世宗之孫，顯宗九恭長子。癸酉九月丙午卽位。改至寧元年爲貞祐元年。宋嘉定六年。丁丑改元興定。癸未改

元元光。至甲申元光二年。宋嘉定十七年。十月崩。在位一十二年。

義宗皇帝。諱守緒，宣宗第三子。甲申元光二年冬卽位。乙酉改元正大。壬辰春改元開興。夏改元天興。宋理宗紹定六年。癸

巳歸德府絕糧。六月犇蔡州。八月大兵與宋兵攻蔡。甲申天興三年。宋理宗端平元年。正月己酉禪位于後主


總帥承麟。卽閉閣自縊。在位十一年。金亡。


金主自宋徽宗重和戊戌稱帝。至理宗端平甲午計九主。一百一十七年。

經進大金國志表


臣懋昭上言。竊惟紀外國之歷年。簡書具在。考累朝之文館。事迹難磨。爰輯遺聞。少裨淵覽。伏念臣偷生淮浦。竊祿金朝。少讀父書。因獲清流之選。日親文苑。粗知載記之詳。迹其所以興亡。是亦可爲鑒戒。其金國志起自武元天輔。至于義宗九主百一十七年。哀集成編。卷分條別。本其初興之地。勢局一隅。肆此兼并之謀。志吞四海。鑿淫日積。篡弑相仍。雖運數之使然。亦事機之適爾。獨世宗寬厚。遂得小堯舜之稱。然泰和昏荒。實階周幽厲之釁。日敝西崦。數到盡頭。皇天從而降災。聖明爲之啓運。臣誠惶誠恐。稽首頓首。恭惟皇帝陛下。道包文武。德運聖神。新天開地闢之規模。奮雷厲風飛之氣勢。奏蔡城之凱。人見漢官威儀。清關洛之塵。民快唐家日月。皇靈遠被。天意交歸。由江漢而出師。願見舊時天子。從淮西而入覲。永作皇家老臣。臣干冒天威。無任激切屏營之至。臣所輯大金國志。謹隨表上進。以聞。臣惶懼惶懼。頓首頓首。昧死謹言。

宋端平元年正月十五日。淮西歸正人改授承事郎工部架閣臣宇文懋昭上表。






世宗



大金國志 世系圖



萬有文庫

第二集七百種

總編纂者

王雲五

商務印書館發行

臣等謹案大金國志四十卷。舊本題宋宇文懋昭撰。前有端平元年進書表一通。自署淮西歸正人。改授承事郎工部架閣。而不詳其里貫。表中有偷生淮浦。少讀父書等語。亦不知其父何人也。書中取金太祖至哀宗九主一百十七年事迹。哀集彙次。凡紀二十六卷。開國功臣傳一卷。文學翰苑傳二卷。雜錄三卷。雜載制度七卷。許亢宗奉使行程錄一卷。似是雜採諸書。排比而成。所稱義宗卽哀宗。金史謂息州行省所上謚。而此則云金遺臣所上。與史頗不合。又懋昭旣降宋。卽當以宋爲內詞。乃書中分注宋年。又直書康王出質。及列北遷宗族於獻俘。殊爲失體。故錢曾讀書敏求記嘗稱爲無禮於君之甚者。然其可疑之處。尙不止此。詳悉檢勘。紕漏甚多。如進書表題端平元年正月十五日。而金亡卽在是月十日。相距僅五日。豈遽能成書進獻。又紀錄蔡州破事如是之詳。於情理頗不可信。又端平正當理宗時。而此書大書宋寧宗太子不得立。立其姪爲理宗。於濟邸廢立。略無忌諱。又生而稱謚。舛謬顯然。又懋昭以金人歸宋。乃於兩國俱直斥其號。而獨稱元兵爲大軍。又稱元爲大朝。轉似出自元人之辭。尤不可解。又開國功臣傳。僅寥寥數語。而文學翰苑傳。多至三十二人。驗其文皆全錄元好問中州集中小傳。而略加刪削。考好問撰此書時。在金亡之後。原序甚明。懋昭更不應預襲其文。凡此皆疑竇之極大者。其他如愛王作亂等事。亦多輕信僞書。冗雜失次。恐已經後人竄亂。非復懋昭原本。故牴牾若此。然其首尾完具。閒有與金史異同之處。皆足以資訂證。所列制

大金國志 目錄

二

度服色俱願該備亦能與金史各志相參考故舊本流傳能至今不廢今亦著其僞而仍錄其書焉
乾隆□□□年□月恭校上